

黃陂縣志卷之八

奕林郎知黃陂縣

原任監察御史補授

署教諭事

二程志

祠

記

銘

詩

跋

賢聖之生歷曠代而特聞環九州而僅覩猶稱不

黃陂縣志

卷八 二程

乙

世之瑞矧夫鍾於一時萃于一門本於一氣者乎

二程夫子三尺童子咸知尊之邈所自來迺生陂

邑實全楚盛事舊志僅與人物並列序記雜見藝

文今特哀輯其遺事與表章夫子之文詞彙為一

卷名曰二程志竊比春秋特筆遺意云

祠

祠

在魯臺山下明景泰間同知蔡公綬建成後開知

縣李公恒步舊祠為享堂復建新祠于前左轉鄭

公寅定春秋俎豆隆慶間獲公景和復建堂十後  
祀太中公萬曆初洪公其道重修二十年巡撫李  
公復督攝篆韓公魏又修四十年邑令浙泉王  
公與丞貳馮君敬安又重修明季盡毀國初修



學王公爾祿復建祠于學左今亦地壞康熙五年  
邑令楊廷蘊同縣丞李成紀各捐貲於魯臺下又  
重建共計五進并祀開府公適太中公珦又建雙  
鳳亭于山椒周圍植栢二千餘株

明道程先生

諱顥字伯淳生於宋仁宗明道元年壬申以歷官宗正寺丞卒于神宗元豐八年

年甲申嘉定年諡純淳祐年追封河南伯元至順年封豫國公全書行于世不具載

伊川程先生

諱頤字正叔生於宋仁宗明道二年癸酉以前官直祕閣卒於徽宗大觀元年

丁亥嘉定年諡正淳祐年追封伊陽伯元至順年封洛國公全書行於世不具載

按二程夫子本籍河南太中公尉陂時生於是  
邑治西偏程鄉坊其故址也暑月無蚊至今異  
之長讀書輒嚮往孔子乃築臺山椒遙望東魯

黃陂縣志

卷八

二程

二

故山名魯臺臺之東有流矢湖相傳二夫子習  
射曾流矢於此臺下有聰明池涵虛亭二夫子  
鑿潭喻道因亭其上池前數武爲前川卽傍花  
隨柳處臺西南有理趣林蓋當年植栢爲林舊  
蹟外若白雲洞西郊橋潭水臺皆爲二夫子游  
衍處後還洛陂人景懷不置遂建雙鳳亭於山  
巔立崙祠於山麓以歲俎豆嗚呼此陂之得有  
二夫子而祠之所由來也

記

二程祠記

朱熹

齊安在江淮間最爲窮僻而國朝以來名卿大夫多辱居之如王翰林韓忠獻公蘇文忠公邦人至今樂稱而於蘇氏尤致詳焉至於河南兩程夫子則亦生於是邦而未有能道之者蓋王公之文章韓公之勳業皆已震耀於一時而其議論氣節卓犖奇偉尤足以驚世俗之耳目則又莫若蘇公之盛也若程夫子則其事業湮鬱旣不足以表於當年文詞平淡又不足以誇於後世獨其道學之妙有不可誣者而又非

黃陂縣志

卷八

二程

三

知德者莫能知之此其遺跡所以不能無顯晦之殊亦其理勢之宜然也蓋天聖中洛人太中大夫程珣初仕爲黃陂尉秩滿不能去而遂家焉實以明道元年壬申生子曰顥字伯淳又明年癸酉生子曰頤字正叔其後十有餘年當慶曆丙戌丁未之間攝貳南安乃得獄椽春陵周公惇頤而與之遊於是二子回受學焉而慨然始有求道之志旣乃得夫孔孟以來不傳之緒於遺經遂以其所學爲諸儒倡則今之所謂明道先生伊川先生是也先生之學以大學中庸

其意正其心自家而國以達於天下其道坦而明其  
說簡而通其行端而實蓋將有以振百世之沉迷而  
納之聖賢之域其視一時之詞章事業議論氣節所  
係孰爲輕重所施孰爲長短當有能辯之者而世非  
徒不之好也甚者乃目以爲道學之邪氣而必剪滅  
之於斯時也苟無遭其伐木削迹焉斯已幸矣尚何  
望其餘哉今太守李侯乃能原念本始追誦遺烈立  
二夫子之祠於學宮以風勵而作興之非其自信之  
黃陂縣志

卷八

二程

四

篤而不以世之趨舍動其心其孰能與於此李侯名  
銑字誠之其爲此邦勤事愛民固多可紀特於此舉  
尤足以見其操行之不凡而非衆人之所能及是以  
因其請記而具論之以告來者使有考焉

劉觀進士京

兩程夫子祠藹然於此人所傳者臺曰望魯亭曰雙  
鳳池曰聰明然先朝碑碣歷世變故靡有復存故往  
往謁拜庭下者多莫詳夫子何爲如此觀曰假息嗣  
刻彌久進瞻眸容退懷懿德聞乃竊考於朱子嘗言

太中公天聖中初任此黃陂尉秩滿不能去而遂  
焉實以明道元年壬申生子曰顥又以明年癸酉生  
子曰頤後十有餘年當慶曆丙戌丁亥之間復貳  
安乃得獄椽周公某而與之遊於是二子同受學焉  
而慨然有求道之志得孔孟不傳之緒於遺經以其  
學爲諸儒倡繇此始究知夫子實生於斯也比者二  
三子歸而謀諸父兄師長欲壽是言於石以昭示夫  
來學俾其考德之不難也觀回是之故復舉于朱子  
恒言明道伊川先生之學以大學語孟中庸爲標指

黃陂縣誌

卷八

二程

五

而達於六經使人讀書窮理以誠其意正其心修其  
身而自家而國以及於天下其道坦而明其說簡而  
通其行端而實蓋將有以俟百世之沉迷而納之聖  
賢之域噫斯言也足以表見乎兩夫子之學之道之  
德業正大先明如日月皎然當與天壤俱矣試讀而  
能心得之不惟足以慰二三子資父兄師長勸之  
勤亦併足以答方來源七謁拜者聞風覲德之懃切

六

宋興百有餘年文治休明於是河洛之間真儒出焉以續千載不傳之緒二程夫子是已先儒謂明道如顏子伊川如孟子夫顏孟亞聖也生不同時出不同地千載而下景仰之者如景星鳳凰有不可得見之嘆况兩夫子出於一門其時同其地同其循德同豈非天地氣化之盛積累而至於是有不偶然者即考之明道始生之年爲壬申實仁宗改年號曰明道若相符契者次年癸酉伊川生焉天啓斯文之意蓋昭昭可見矣程氏世家伊洛自太中公少侍其父適今黃陂縣志

卷八

二程

六

黃陂及適卒太中公始冠苦族衆無產遂家焉旣而補黃陂尉秩滿不能調閒居安貧二程夫子實以是而相繼生其地則今日之程鄉坊是也古今聖賢之生不必自其鄉者有矣宣聖曲阜人也而生於平昌之阨邑文公新安人也而生於延平之尤溪蓋皆以其先世宦寓而言與二程夫子實同一揆天地清淑之氣無往不在則無往不鍾豈拘於於是哉宋淳熙間李誠之知黃州嘗祠二程於學宮文公先生嘗爲之記而黃陂之祠久未有能立者至我朝景泰間

知蔡綬始即其地而建祠焉天順癸未僉事沈靖復  
建雙鳳亭成化己丑知縣李恒改舊祠爲享堂鼎建  
新祠於前高廣倍之繚以周垣樹以松柏而規模稍  
稱壬寅左布政使鄭時回師生請乃定著春秋祀典  
復檄邑建戟門及左右廊弘治辛酉推官羅翰重建  
大門及修補敝陋而制益備邑士子知所嚮慕者往  
往講肄於其中鳳梧不肖以乙丑奉明詔來典學事  
行部至邑祇謁祠下瞻慕者久之正德戊辰得再謁  
焉顧惟是祠實二程倡道之所始而後人亦借重以

黃陂縣志

卷八 二程

七

爲藏修之地遂易扁曰二程書院得前副使今同知  
黃州謝孺朝宦大書揭之與濂溪南嶽口麓石鼓諸  
書院並稱而祠祀如故釋土之有志者俾讀二夫子  
之遺書籍得官田五頃五十七畝冬分歲取其入以  
充修葺教養之費其左廊曰坐春右廊曰立雪則今  
知縣陳傑所重構而教諭楊樛所取名者也楊樛間  
率訓導曹軒及諸生來請曰自有祠以來漫無文字  
可考今改爲書院而記尚可缺乎鳳梧則以二夫子  
德之遠且大者文公記之已詳而亦立之石矣不

肖復何言惟書院修改之顛末則不可以不之記  
遂爲書若夫望魯臺聰明池雙鳳亭及諸故跡則  
已具載茲不敢復贅云

給事中戚

賢全錄人

予正德辛未冬入鄉校時夢遊萬松嶺瞻道院一所  
扁題程太中書院因進謁太中塑其上二程立兩旁  
有二藍袍童子引拜已畢詣祠後見米倉數廩一連  
二童子携鑰匙一握付余囑語甚長覺而志之每憶  
須至河南可證也昨得荊州藩府封事道入黃陂

黃陂縣志

卷八二程

八

偶入念及縣授郭訪古蹟吏人于指河邊坊曰闕里  
坊此程太中尉我邑時侯夫人夜夢雙鳳投懷生二  
程於此地嶺上即書院肖像祀焉予乃大感不暇就  
館回先進謁進觀雙鳳亭謁畢循兩廊適鄭生鸞子  
備後估聚棊出見後庭七人呼取鑰匙開後門請登  
望魯臺七蓋二程夫子所築以望東魯者也意蓋淵  
矣松栢環嶺宛如夢中嗟夫二程何人也一夢二十  
三年偶經此地相應何謂也耶回口占一記云云二  
十三年夢天定到於今悠七憶洛水靡念及湘潯偶



荆藩節假道黃陂陰肩輿戾河干關里關其心記  
之二程祠古蹟埋雲岑下輿進祠謁瞻依注所欽雙  
鳳輝官墻風月洒胸襟須臾鄭生出藍衫曳松林我  
言未與竟我情寧自禁導引後庭去呼鑰感尤深庭  
制匪倉厥付囑重南金爰登望魯臺瞻眺倍沉唵憶  
昔二賢築仲尼顏子尋于今幾百年誰還嗣好音誰  
唱春風曲誰鼓夜雪琴愧我半生過蹉跎落風塵長  
途醒宿夢搔首懷朋簪

王 霽邑人

黃陂縣志

卷八

二程

九

宋兩程夫子祠舊在魯臺山西澗我皇明回之弘建  
廟宇崇風化也祠西南一里許名理趣林古木喬翠  
有舞雩風景世傳二先生傍花隨柳處自嘉靖初年  
修葺迄今四紀墻圯棟橈將鞠爲蕪墟而理趣林地  
爲民侵隱闢爲蔬圃鄉人咸惜之隆慶肇元簡賢綏  
民我邑大夫蘇侯以大司諫來今是邦興廢補敝百  
度維新是年春仲穀旦禋祀于祠朔覩傾撲嘆曰此  
有司之過也遂置謀厥心經始計費多方措貲茂材  
鳩工不勞民力拓而新之又謀于余曰二程夫子

各冠裳俎豆自昔不缺若俚俗非鬼神驚禍福人不  
食其上乃耄倪香燈伏臘輳集森然髮指悔禍內竦  
其亦燕摩風教若所謂畏壘之攸然耶祠久頽罅棟  
宇門屏僅堪枝柱焚燎傾圯鴿雀唳呖棋鳩狸穴鵲  
飛周堵撓捫群嬉者肯逼神衣俾鬼才俊士無極環  
瑋之觀動景行之想甚非闡正學啓遐詔來有資弗  
乘後費更鉅予撫楚事竣報命民旣戢止百務稍飭  
獨二先生之教業已神遊矧茲睽僅跬武缺焉不得  
致虔懇然冲已命所司代薦茅幣更出俸錢節縮

黃陂縣志

卷八 二程

十二

爰圖繕制雲而楮文而槐鏤而檻堊而亭望之抵嶧  
麟胸橋桶踴睥昂者屹已垂者鬱已直者聳已橫者  
翼已莊蒼哉目擊而道存矣享斯燕斯用示崇嚮予  
茲惕焉惕者何世無真儒斯無善治無善治斯無民  
物生孟氏後秦漢儒者哲而經術亢而節義燁而文  
華皆儒罄此近今士於是數者曰又濟又蕪甚每詆  
訶贊庇吾道揚泣岐可南北墨悲絲可黑黃吾道之  
汙吾道之悲獨南北黑黃哉蠶食桑老績爲繭繭化  
爲蛾蛾有兩翼不類蠶形躡躡化復育復育轉化爲

蟬蟬有兩翼不類鱗鱗慾壑橫流靈明窒塞無壘防  
邪曷有底止亦有戔夫支離口耳或鶩高遠再墮玄  
虛不足衛道反授人指古爲道易今爲道難無文猶  
典是在豪傑矣二先生道闡六經闢百家行置模言  
呈範天下學士大夫出其門者挹其委飲其和曉然  
孟氏爲的而直達孔氏身教南人今楚人士無復荆  
蠻鄙陋凡陟其巔入其室恍視瑞日之容而領巖巖  
之旨安知二先生不靜觀流憇其間冥亡漑亡不尚  
爲道憂不尙爲民憂夫君子於道不必辯其有名而

黃陂縣志

卷八 二程

十三

實踐不可無心意其與正誠其御志其鞭策聖域爲  
家予不敏不知可踐二先生支垤餘波否固已不欲  
踐乎後矣先生嘗謂士君子存心愛物於物有濟予  
手楚畢命保釐責匪細小黔赤珍青魯否帖席望轉  
迷惑願予噢咻劑調絲髮不漏茹荼齋栗寢食不假  
二先生其鑒予於幽凡我吏民亦惟著龜二先生保  
有靈嗣貞度履坦弗納於邪微先休而作之氣斯二  
先生享而尸祝昔魯哀公之誅孔子而生不用道是  
謂端木氏今予于二先生可重爲魯哀乎哉故不

本朝之... 月... 金... 潘子民

公議畧

潘子民

二程故里因悉程公珦祖羽係中山博野人宋太

黃陂縣志

卷八

二程

古

業

太平興國五年為文明殿學士贈太子少師以官... 儀同三司吏部尚書加贈司空遺珦不能還寓居於... 陂遂生顓頊二子未幾錄用功臣嗣就汪珦為黃陂... 尉後封太中大夫始知適先為黃陂令珦後為黃陂... 尉云邈適官黃陂既以清謹著稱又復教子為名宦... 生孫為大儒後世罕有嗣徽於道者矣陂無器嗣良... 為缺典本縣止懸草誌傳為但知珦為陂尉不知適

道則易使也仲尼夢寐姬旦志大道之行不得退而  
刪述六經陶鑄七十二子位也乎憂學之不講益曰  
道之不明由不行也寄行於明悽也乎深心在後之  
人耳漢儒遂以經師相承守至宋而道學之傳益尊  
且廣兩先生其最著也先生之祖開府公適終於陂  
太中先生以錄舊臣後不能赴就注陂尉任滿僑居  
久矣夫人夢雙鳳而兩先生誕於邑之程鄉坊稱長  
築臺望魯因讀書其中今之祠其山麓也逸祠一亦  
其傍隨前川也太中後別遷還洛爲河南程氏不知

黃陂縣志

卷八

二程

六

陂實先生之尼山嵩嶽也魯山其杏壇闕里也前川  
其洙泗伊洛也故祀典烈於學宮秩於春秋所從來  
舊矣乘軒君子每過而謁焉特崇其廟貌而稱殷禮  
肅也宮墻如馮如式年來水伯爲沴垣墉堂廡圯存  
相半邑侯浙泉王公愀然動色當公車計冗之時割  
期年俸薪委清戎敬安馮君葺而新之侯德性醇美  
誠學問中人蓋生白沙先生之鄉與復所太史櫛比  
而薰染馮君臭味東林行殊越儕偶有儒風不數月  
而工遂落成同氣之朮固如此也祠自諸先達發軔

其中學者雲集而羅文恭李見羅耿恭簡諸先正也  
回過化講學之風日新月盛迨今黃抑美侍御守拙  
孝廉以二三同志毅然持牛耳之盟四方之士往往  
擔簦負笈而邑中與會者衿紳童冠而外無類不至  
無不環橋悚聽而易慮焉母亦五百年風氣有開必  
先伯氏仲氏適符其會乎顧余尤有說焉今天下梵  
宇琳宮星碁周布而檀越外護不惜布金以激福利  
緇黃之徒朝至而暮授餐如素持焉何者有其資之  
有其主也祠舊屬庠役一人主守自省均賦役議撤

黃陂縣志

卷八 二程

十七

及此遂汜也如不繫之舟管籥失司矧能爲四方資  
節穀乎此圯廢之所自來也先是署篆趙參軍置田  
三十畝以崇學徒而董侯潘侯先後置用物若干今  
侯復置田三十畝尚餘所捐俸以先諸義助行有成  
緒矣惟是田不租官則散而無統而委糜佃役出入  
奚稽守不專責則虛而無主而傳舍遽廬啟閉執事  
實爽明德應切遠圖侯之令陂也百度貞矣五氣順  
矣物情洽矣明神享矣而嘉與斯文垂之永久以爲  
兩先生千百年計尚亦有賴哉嗚呼君風節表俗且欲

余不佞不知學謬與斯會惟鄧君葆之王君溪石王君德諒周君恒吾輩共拉而襄其成諸君子無不有同心焉繼自今其惟朝斯夕斯期明兩先生之學以承宣聖不行不明之憂毋徒聚口說以負俟及馮君今日之心庶幾乎實稱其名而於祠有光矣若謂聖人之道不行於周公之後聖人之學止傳於孟氏之前則先生固有意乎其言之也重道統也敬以俟之異日主斯盟者萬曆四十一年歲次癸丑七月既望黃陂縣志

卷八

二程

十六

記

重建二程祠記

陳天策值興

中丞李公禎之言曰二程夫子實宇宙二人楚不得有何有於陂廣哉言乎然吾念之二夫子不生於陂楚且不有於宇宙宇宙得有實始於陂蓋二夫子二世於陂並產於陂者也向也一徘徊於程鄉坊再徘徊於望魯臺咨嗟景仰而謀所以祠之者良以陂人士之撫祠以瞻二夫子也與二夫子之撫臺以望魯也無以異絃誦者耕桑者樵牧者負戴往來者

閔不環臺追慕而尸祝不啻若舞雩之座泗水之濱  
良有由矣乃者雙鳳舊址一旦鹿場秦灰重劫以厄  
二夫子者不已甚乎亟謀鼎復而頻年兵荒復以厄  
簡翁耆厄二夫子以故遲之又久今乃得偕三韓李  
公捐俸卜吉整規模而棟宇之不數月而一望翬翼  
前此瓦礫敗地居然花榜舊川且與陂人士歌落成  
矣或曰二夫子廟祀徧天下何遽懷此都乎曰祭海  
先河古之義也二夫子之在楚與宇宙義猶海也其  
在陂義猶河也二程去洛蓋猶夢寐西陵矧陂人士  
過問而慕過墓而哀其於斯祠實甚簡翁方以風化  
本根教陂敢忘二夫子式憑故宇今陂民無由瞻  
乎重建是祠亦魯僖闕宮之義也

登魯臺記

屠

達南蘭

事之興廢豈不以人哉予初登魯臺始一秦蕪廢壤  
也然牧豎兒童無不知二程夫子者曰此當年望魯  
處也嗚呼二夫子之繫人景慕若此哉因詢諸故老  
訪其遺事而知二夫子實生于陂嘗於此山築臺以  
望魯故名也山巔因臺爲亭名雙鳳山麓有祠祠中



有聰明池涵虛亭其西南里許二夫子嘗植栢爲林  
名理趣林迥遯諸勝歷々如見乃自明末兵火而鞠  
爲荒草蕩爲寒煙其斷碣殘碑零落山間者且與纍  
纍之荒塚相接故宮之嘆不止黍油麥秀也嗟乎古  
名賢遺蹟凡一流寓一嘯吼以及一草一木後人莫  
不愛之傳之惟恐不至况茲山爲二夫子故址其晨  
夕盱衡百世後魂魄猶應戀此而頽頽廢乃爾雖時  
會使然陂之人將何以爲懷歟予流連久之徘徊不  
能去乃日者復渡前川遙而矚之忽若鬱然改觀者  
黃陂縣志

卷八

二程

三

爲之驚喜而前則見有翼焉以整者山麓之二夫子  
祠也竦焉以峙者山巔之雙鳳亭也泉渟々風泠々  
悠然以清者山前之聰明池涵虛亭也草薰々木欣  
欣遙眇於山之遠近者西南隅之理趣林也又爲之  
入祠以謁而見庭之殖々者二夫子座也冥之噦々  
者啟賢堂之太中公及後寢之司空公座也出祠以  
觀而見四周之層以密者百堵之興也一望而綠煙  
繚繞者鬚髯傍隨之花柳也嘻異哉抑何倏然而成  
舉數十年之圯廢而一旦復之且有加焉如此哉或

告我曰此邑侯楊公所旦夕以經營者也亦同事李  
公所刻期而拮据者也維二公泮志復古捐資以圖  
故陂民樂趨成之不日也然則事之興廢豈不以人  
哉吾于是知二公之治陂類如此祠矣楊公毘陵人  
予鄉世家負夙望李公原籍濟水前任予鄉直指皆  
卓有風節者因並識之以爲陂幸又不獨茲山之興  
復也

重建二程祠記

聞政晉陵人

二程祠之建於陂也其圯而修葺之也不知凡幾若

黃陂縣志

卷八

二程

三

既廢而重建也則自今日始二夫子得統尼山既從  
祀廟庭而食天下矣惟陂爲桑梓地祠而祀之尤爲  
亟也宋止祠於齊安陂初猶未及也明景泰間始  
建祠於魯臺成化間始定春秋俎豆凡當日有志斯  
道者歲聚諸生以時講習其間文風稱盛乃兵火以  
來悉歸蕪沒予初過其處惟見河干斷碣字蝕風雨  
瓦礫廢址荒草離也即山巔鳳亭亦孑然濯也寒煙  
繚繞而已嗟乎魯山如故風景淒然鳳鳥不歸白雲  
空在吾思佛老虎無之教徧天下梵宇琳宮暉映山

久者不可勝數獨二夫子理學淵源功在萬世自西  
海慕道之士無不家尸而戶祝柰何根本之地顧使  
依棲風露頽廢荒涼若此乎是誠今日之闕事也近  
者予鄉簡菴楊公與關東李公雅志復古乃剪荆秦  
尋舊址鼎構新祠且於後建啓賢堂一寢室一并祀  
其祖若父於山巔復建雙鳳亭環祠前後又植桃柳  
千餘株當年名勝一朝盡復爲之登臺一望綠暗前  
川入祠再拜音容斯在由是二夫子之靈爽得所式  
憑而太中父子亦得依此一室矣不寧惟是卽陵之

黃陵縣志

卷八

二程

三

人士數十年思慕嘆悼之情俱爲甚慰而後日濟  
多士亦得絃誦於茲闡明夫子之學將見後先相望  
蔚然興起矣謂非西陵盛事乎予因是而深爲簡翁  
羨也嘗見世之以官爲傳舍者雖所居若寄何暇及  
名賢之遺蹟與旣廢之荒祠今翁下車卽首繕城郭  
次建縣治次修文廟以迄關帝諸廟至二程祠則重  
爲建置焉一邑廢墜悉爲修舉豈僅爲地方一日官  
職一日事者比歟後之令是邑者嗣而葺之魯山祠  
宇千載如新則二夫子之幸也夫抑亦簡翁之幸也

夫

重建二程祠記

邑令楊廷蘊武進人

世稱二程夫子必云河洛蓋河南程氏自宋以來所  
其傳也予家龜山公嘗立雪程門其稱二夫子者最  
悉亦未言所生何地初未嘗一語及陂自予承乏是  
邑乃知邑有程鄉坊爲二夫子懸弧處因嘆從前稱  
二夫子者殊未詳其本末也後登魯臺見一古碣橫  
卧山間拂拭視之則爲考亭朱子二程祠碑記益知  
二夫子嘗讀書此山築臺望魯故名初建祠學宮朱  
黃陂縣志

卷八

二程

三

子記之後復建亭祠于山因以朱子祠記移勒於此  
頽而復修者凡幾明末亭祠灰燼惟碑存焉予悵然  
久之亟欲修復會兵荒相繼取也於中近得同寅李  
公序志復古雅有同心乃相與捐俸庀材卜吉鳩工  
度其故址悉爲鼎建于中廳祀二夫子後復建啓賢  
聖祀太中公珣又進一室祀司空公適蓋大中公與  
司空公皆曾蒞陂而有造於陂者不可偏廢故并祀  
之則視舊祠爲加詳矣于山椒建雙鳳亭前後植桃  
柳二千餘株以彷彿前川傍隨之勝陂民踴躍將事不

日告竣凡曩時臺祠花柳悉復舊觀亦興朝鼎新  
之勝事也嗟乎二夫子之還洛也猶曰吾慶寐與在  
西陵是夫子未嘗一日忘陂也夫二夫子不能一  
忘陂而謂陂能一日忘二夫子乎今建祠而上及於  
中公與司空公公合祖孫父子共祀一堂儼然當日聚  
首西陵之况應亦二夫子所甚慰也二夫子雖廟祀  
徧天下而惟陂尤爲生長之區寤寐往來之地千百  
世後猶其仰之則魯臺片席安在不與河洛並傳也  
祠成因勒是爲記

祭文

祭明道先生

楊時

元豐八年夏六月既望河南承議先生以疾終於官  
是月晦邸報至彭城其門人楊某聞知爲位慟哭於  
寢門而以書計諸嘗同學者嗚呼道之無傳也久矣  
孟子沒千有餘歲更漢歷唐士之名世楊雄氏而止  
爾雄之自擇所處於義命猶有未盡自雄而下其智  
足以窺聖人門墻者蓋不可一二數也况足與語道  
而傳之哉宋興百年士稍知師古諸子百氏之籍與

黃陂縣志

卷八

二程

三五

夫佛老荒唐謬悠之書下迨戰國縱橫之論幽人逸  
士浮夸詭異可喜之文章皆雜出而並傳世之任道  
者日夜憊精勞思深探博取可爲勤矣然其支離蔓  
衍不知慎擇而約守之故其用志益勞而去道彌遠  
使天下學者靡然趨之如適諸夏而棄通衢大道犯  
荆棘之墟行蒼崖之巔眩然迷殆而卒莫知自反者  
其於世教何補哉先生於是時乃獨守遺經合內外  
之道默識而性成之其學之淵源蓋智者不能窺而  
善言者所不能稱說也自周衰以來天下之學其失

如彼則後之得聖人之道而傳之者於吾先生可之  
獨任其責哉嗚呼道之傳亦難矣夫由堯舜而來至  
於湯文孔子率五百有餘歲而後得一人焉孔子沒  
其徒環天下然獨積百年而後孟子出由孟子而來  
迄漢唐千有餘歲卒未有一人傳之者若孔孟又皆  
窮老於衰世其道方不得一施于天下夫聖賢之不  
世出而時之難值也如此今幸而有其人又且遭時  
清明朝廷方登崇後良而先生未及用而死則予之  
慟哭豈特以師弟子之私恩而已哉故爲辭以泄其

黃陂縣志

卷八

二程

六

哀而自慰云余悲古人之不見兮逢世德之險微析  
道真之純美兮肆全體而分封駕異端而並逐兮駟  
支轂乎多岐亘千歲其民也考去聖旣遠而卓彼先  
覺兮惟德是仔展斯文之在茲兮萬世之師鋤荆棘  
之荒穢兮闢正路之孔夷代聖賢之軌躅兮背世轍  
而疾馳帶餉鉅而負繩兮紛萬變而莫窺馳銜勒而  
弗厲兮尚迴旋其中規嗟命之懸於天兮匪予敢知  
背漢渤而載華岳兮曾有塵之弗施嘆道之難行兮  
孔孟窮老以栖也伊時勢則然兮此云胡其若茲通

闔闔於一息兮尸者其誰幹天樞而自爾兮欲執咎  
其焉歸齊死生于晝夜兮天理之常匪徂匪來兮雖  
壽夭兮何傷想德音其未遠兮儼若在傍固誠之不  
可掩兮何有何亡日月逝兮形魂藏嗚呼已矣兮斯  
亦難忘

又

提學薛綱山人

惟神道著天下澤漑後世溯本窮源實始茲地大江  
毓靈魯山孕異雙鳳齊鳴羣虹止喙近師元公遠接  
孟氏千載之統一門攸係崇祀廟庭萬世公議祠祀  
黃陂縣志

卷八

程

七

是邦黃人私志公私之舉吾道之寄

又

提學陳鳳梧

斯文之喪于有餘年既絕復續有啓自天灑河之涯  
魯臺之麓維兩夫子神秀所毓倡明正學功在六經  
原七本七孔孟是承萬世而下尊曰程鄉有祠一宮  
泗掃敢忘典學有年載瞻載仰行部匆七未陳一奠  
用是惶汗曷悔厥愆愆式忝官屬薦此蘋蘩降神之地  
豈不瞻茲吾道以南庶其佑之

又

丁汝襲



於維先生肇基中洛呈祥黃色天啓聰明學膚純正  
道經續傳斯人不振德師百代功機壽世俎豆有優  
元歆無斃厥口 於昭闕宮日雍日神之燕思鬱鬱  
陟降于中 於昭闕宮日雍日神之燕思鬱鬱  
是供 於昭闕宮日之既東神之旋息萬福攸同

銘

理趣林

張克恭

瞻彼林木瀉河之東牛羊不牧斧斤不攻佳氣以呈  
鬱<sub>七</sub>葱<sub>七</sub>昔有先覺程氏伯仲讀書之堂東西相望  
藏<sub>七</sub>燕息與道翱翔情與景會理與心契萬物靜觀  
四時佳致顏氏井亭點也舞雩陋巷春風樂得其趣  
後生小子希之則是希之維何誠敬乃至

魯臺

鄭 鬱<sub>邑</sub>久

瞻彼魯山先哲之蹟欲躋伊何維趾斯力瞻彼魯山

黃陂縣志

卷八

二程

二九

先哲之巔欲登伊何維心斯嚴爰力乃趾爰嚴乃心  
君子既登先哲何人君子既登景物熙明傍花隨柳  
雲淡風輕君子于登望彼泰山仰雖彌高維力維嚴

二程祠

邑今楊廷蘊

學維西陵誕生二程築臺望魯尼山是承闡明絕學  
斯道光明有宋文治賴有弟兄伯也春風仲也嚴冰  
當時模範後世干城因時移易祠祀幾更鼎新廟貌  
斯文聿興凡我陂人是訓是型

詩

五言古

瞻眺魯臺

李成紀

懸弧長濟水，哦松吸瀉泉。偶來東野外，因至南河邊。  
古碣埋芳草，荒臺帶晚烟。有懷程夫子，悵望魯山巔。  
為剪荒臺棘，祠宇復當年。碧水環山麓，輕風拂午天。  
公餘偶來此，好鳥喚前川。

游魯山有懷

開政

千里到西陵，敬謁兩先生。先生不可即，俛首獨行七。

黃陂縣志

卷八

二程

三

細柳爭晴綠，游絲曳午輕。燕作撩人舞，鶯弄送春聲。  
遊子未歸去，湘雲天外平。徘徊魯山上，空餘今古情。

喜咏紫荆樹并序

邑令楊廷蘊

二程祠內舊傳有紫荆樹一株掩映庭除鬱然茂盛自崇禎間屢經兵火亭祠灰燼而荆者新造迄今三十年矣根柢朽絕化為鹿場近土咸奇之豈斯道與天心復而荆亦更生耶實為可異因賦此

魯山一紫荆，當日茂且榮。自從兵火後，三十年不萌。  
程祠今鼎建，荆樹又重生。西陵老與少，相見喜且驚。  
聞昔田家樹，感悟兄弟情。而今亦如是，誰曰非異徵。

七言古

重建二程祠志喜

程遵舜

勝蹟昔年遺在此斷碣荒臺餘廢址先公偶作前川  
詩歷代相傳誦不止新春過謁獨徘徊風和雲霽楚  
煙開楊公李公關草萊構亭還待鳳雙來棟宇巍峩  
輪奐新鶯聲出谷喚遊人種柳再教千載盛植花重  
布萬家春河南一脈相延久愧余忝生賢裔後兩公  
復古功隆七當與茲山其不朽

遊魯臺

閻政晉

黃陂縣志

卷八

二程

三

西陵城外滿溪柳朝曳綠煙迷渡口野店紅桃照眼  
明遊人醉唱梨花酒亭邊野老爲予言當年程子過  
崩川至今地以人增重越都名士其流連只因明末  
起流氛四海兵戈逐電走吾陂南北當其衝魯臺兵  
火荒蕪久三十年來滿目煙楊疾慷慨捐萬錢河干  
灰燼舊祠宇一旦圖成遂煥然余因太息重低徊興  
廢山人誠信哉登臺搔首爲一望彷彿雲間雙鳳來

五言律

謁程祠

周 濬

道氣高今古令人思不窮  
明開千里月和拂一簾風  
亭鳳歸何處川花在望中  
登堂一瞻拜鄙吝自消融

春日閒步前川

趙 鏞

迤邐到前川遊人爭渡喧  
花明沽酒市柳暗釣魚船

好鳥啼深樹輕風拂翠煙  
眷言程夫子翹首夕陽天

謁程祠

聞 政

西陵葦爾地雙鳳金鍾靈  
理學昭雲漢詩書炳日星

黃陂縣志

卷八 二程

三

千秋人已遠兩岸柳猶青  
展拜空庭下苔花繡綠銘

魯臺閒眺

張世祐 邑人

搔首獨登臺晴光四面開  
雲移山徑轉風送水聲來

柳幃籠烟市花陰拂翠苔  
閒尋孔顏樂莫作戲遊猜

謁程祠

張御楷 武進人

西陵古南國自有二程傳  
上以人增厚川因德愈淵

升堂羞後學入室慕前賢  
莫謂先生遠高風尚儼然

七言律

謁程祠

命事張勉學長洲人

一程祠畔松十圍  
祠下流泉接魯沂  
滿目雲山空縹緲  
前川花柳自芳菲  
臺高盼望清風遠  
塢曲藏春白日暉  
趣駕欲行還佇立  
澗蘋溪藻自依依

又

陳鳳梧

河水悠悠遶縣傍  
至今人說二程鄉  
靈鍾伊洛雙川秀  
道續濂溪一派長  
花萼祠堂聯貌像  
蘋蘩俎豆薦馨香  
門墻欲立慚無及  
春雪方深望魯岡

黃陂縣志

卷八

二程

三三

又

方伯孫光祖慈溪人

西陵雙鳳集梧桐  
百舌桃園識羽宗  
今歷魯亭觀海岱  
猶憐蹊路失西東  
伊川巖竅庭前雪  
明道從容座上風  
不有曉聲驚夢覺  
許多謾聽五更風

又

祝世祿邑博

其傳河洛兩夫子  
弧矢却懸江漢墟  
花柳陸離春風外  
門墻蕭清夜雪初  
有臺望魯在望狂  
歌招鳳不居風  
簷低徊忽千古  
寒林閣上遺書

登魯臺

王大有

中天拜瞻第恨予生晚志切儀型身未前

理趣林

陳壽邑人

平林騁學鬱芊匕塔影孤懸挂日邊近蝶樓觀千樹  
翠逸村水漲一湖天晚舟漁唱鋪星火早遂牛歌跨  
夕燠縱有市塵渾不入陶潛心遠地為偏

登魯臺山

時未建亭祠未栽花柳

聞

政

晉陵人

拂袖穿橋到魯臺鳳歸丹穴不重來舊祠蕪沒連衰  
草斷碣漸靡臥冷苔曲水尚流山下去殘鴉還傍口  
邊回前川不復當年柳一帶晴煙向午閑

黃陵縣志

卷八

二程

三五

步韵弔魯臺

張恕禎 濩澤人

魯臺湮沒已多年寂匕虛亭委夕川古鼎無灰吹石  
火荒丘有塚續薪傳自來自去池邊鳥時滅時明水  
際煙弔古臨流神往矣斯文興起仰名賢

魯臺山

陳天策

三十年前偶過都高山長水我師乎文章大塊榜花  
簪賢聖為徒兄弟俱阿閣再新丹鳳穴禹書重篆洛  
龜圖楚臺彷彿如東魯遥望將來又入吳

登魯臺

居

遠

南浦

淡跡西陵過魯臺午天輕淡重徘徊幾多煙柳迷深  
塢欲盡春光付酒杯高身看從天際沒小桃應傍故  
園開生平徒有登臨興誰解尼山入望來

謁程祠

屠達

孔顏樂處復何尋淡々春光理趣林望魯蒼茫連海  
岱前川浩渺接江濤孤亭聳立留殘碣雙鳳長歸斷  
好音爲仰先生遺範在肅然瞻拜整衣襟

題二程祠

邑令楊廷蘊武進人

承乏西陵已四年時懷震鳳到前川斯文久賴先生

黃陂縣志

卷八 一程

三

在大道全憑夫子傳往日亭臺埋宿草新春花柳曳  
輕煙高山在望堪千古樂與陂人仰大賢

邑侯楊公新建二程祠過謁喜題

教諭邵光祿夔陵人

我庸初服披名蹟吾道宗盟拜二程派衍中山雲氣  
合碑留殘篆草痕菁編成一字千秋碧鳳叶雙丹萬  
里聲幸賴真儒相吸引楚黃名教有干城

喜建二程祠

余以辛丑分鹽茲土時過魯臺見亭祠灰燼輒興修建之思奈力綿

未采近楊李二公其圖鼎復不日落成余雖未及身任是役然於區々德古仿心有相洽



者因附和一律以志勝

訓導

夏啓昇

中祥人

西陵駐足數經年步向荒郊指落川  
恢舊寒鴉空昔  
藉園新良牧繼薪傳涵虛池畔凝秋水望魯嶠頭集  
暮烟四座奎樓雙鳳舞清輝遙映古堂賢

謁二程祠

戴元韶 宜興人

少懷立雪在程門山水鍾祥此一村千古同堂鄒魯  
席一生望道弟兄存春風花柳明如錦劫火樓臺勢  
更尊三楚衣冠思俎豆何須西竺乞靈根

余過西陵登魯臺山見鼎建二程夫子祠深廉

黃陵縣志

卷八

二程

三七

簡翁楊公大有功於先哲因喜賦此

沈

濬

平陵人

碧水漣漪繞魯臺香消古鼎久蒿萊天悲往哲延秦  
火人起斯文庇楚材鳳翥丹丘川映月檜同尼阜露  
滋枚登臨仰見雲生棟咸頌關西夫子來

步前川

何

古邑人

五百年來宋兩程前川從此有品名聞時花鳥迎人  
笑悟後風雲過眼輕徒不斯人誰可與責非存道詎  
關情蒼苔薄蝕殘碑字讀罷遺編山鬼驚

七言絕句

登魯臺

張學勉

荒臺百尺江之濤為想當年望魯心見說尼山遙在望片雲無奈隔遙岑

涵虛亭

楊廷蘊

半畝方塘一箇亭森々萬象入虛明百年地印今猶古怪得蚊蛙不敢鳴

步魯臺

楊廷蘊

細雨方過柳色新前川堪擬武陵津春風煦々吹人

黃陂縣志

卷八

二程

三

面恍與先生面文親

遊前川

聞政晉陵人

昔日離々荒草煙而今花柳復依然遊人載酒程祠外席地猜鬪醉午天

余素知二程夫子生於河洛不知其產於楚也近過西陵乃為夫子懸弧地進謁其祠而始

悔向者之誤也因作此

丘起龍武進

共道河南有二程誰知夫子產西陵從今獲拜春風座半世邯鄲夢始醒

四言

登魯岡

丁汝璣

陟彼河梁以望魯岡夫子之墻有耿其光

雙鳳亭

陟彼南山鳳鳴于巔伯兮仲兮吹簫吹壎

理趣林

蔚兮林兮隣于魯臺君子矣止維以永懷

聰明池

有池漫亾在河之畔君子蒞止我心如澗

黃陂縣志

卷八

二程

三九

祭田

祭田

坐落大西門外興隆寺傍

按祭田計墾石零共陸拾畝一為萬曆間署篆  
趙參軍置一為丞貳馮敬安置

黃陂縣志

卷八

二 釋

四 十

第八卷終

跋

二程志跋

楊廷縝

千百世後咸稱二程夫子產於河南而不知區區一  
陂迺二夫子曲阜孔氏之隰邑新安朱子之延平也  
邇開闢來之日星道統者惟孔孟其人焉秦漢來之  
淵源聖傳者惟周程張朱諸子焉宇宙至大古今無  
窮聖賢曾不能多兩夫子頽儼然以伯仲並列從祀  
豈非生民以來之再盛吾陂以來之獨盛歟二夫子  
道學文章其言其行備傳於世茲不錄即雙鳳投懷

黃陂縣志

卷八

二程

四七

之瑞近開伊洛遠接洙泗考亭詳記之亦弗贅諸若  
監察說書俱未足爲引重并不載惟秩官爲二夫子  
祖禰本源選舉亦二夫子君父恩寵故先各叙于前  
以爲特志張本因校正數百年相沿之舊取原志所  
分載者總彙一冊蓋麟鳳山海生而出類固無得而  
等夷正非特書者所能表章矣